

- 136** Skál hún koma saman svo oft sem nauðsyn krefur, og eru ákvarðanir hennar 17. júlí því að eins bindandi gagnvart sjóðnum, að allir stjórnarmeðlimir séu mættir. Formaður kallar saman stjórnarfundi.

11. gr.

Reikningsár sjóðsins er almanaksárið og skulu reikningar hans uppgerðir árlega fyrir febrúarmánaðarlok og þá komnir til endurskoðenda, en þeim ber að hafa endursent reikningana til sjóðstjórnarinnar með athugasemdum sínum fyrir marzmánaðarlok, og má þá úthluta styrk úr sjóðnum samkvæmt 3. grein.

12. gr.

Endurskoðendur sjóðsins skulu vera tveir, annar starfsmaður hjá H.f. Alliance og hinn löggiltur endurskoðandi. Skulu þeir gæta þess að fyrirmælum skipulagsskrár þessarar sé fylgt, auk þess sem þeir athuga reikningshald sjóðsins og fullvissa sig um sjóðseignina.

13. gr.

Sjóðurinn tekur til starfa samkvæmt 3. grein.

14. gr.

Hætti Alliance-félagið störfum, skal sjóðurinn falla undir umsjón Slysavarnafélags Íslands og styrkur úr honum veittur ekkjum og munaðarleysingjum efna-
lítilla manna er farast af togurum frá Reykjavík, enda sé fylgt fyrirmælum skipulagsskrár þessarar eftir því sem við á.

15. gr.

Leita skal konunglegrar staðfestingar á skipulagsskrá þessari.

Reykjavík, 29. júní 1939.

- 137** Staðfesting konungs á skipulagsskrá fyrir „Styrktarsjóð Ingibjargar Ísleifs-
18. júlí dóttur Finsen og Ólafs Finsen, héraðslæknis á Akranesi“, útgefin á venjulegan hátt að mandatum 18. júlí 1939 af dóms- og kirkjumálaráðherra. Skipulagsskráin er þannig:

SKIPULAGSSKRÁ

fyrir Styrktarsjóð Ingibjargar Ísleifsdóttur Finsen og Ólafs Finsen,
héraðslæknis á Akranesi.

1. gr.

Sjóðurinn heitir Styrktarsjóður Ingibjargar Ísleifsdóttur Finsen og Ólafs Finsen, héraðslæknis á Akranesi.

2. gr.

Sjóðurinn er stofnaður af þeim hjónum á fjörutíu ára starfsafmæli hans, sem héraðslæknis á Akranesi, hinn 13. janúar 1934, með því fé, er héraðsbúar færðu þeim sem heiðursgjöf í minningu starfsafmælis hans.

3. gr.

Stofnfé sjóðsins er nú kr. 1785.05 — seytján hundruð áttatíu og fimm krónur og 05/100 —, sem ávaxtast í aðaldeild Söfnunarsjóðs Íslands.

4. gr.

Markmið sjóðsins er, að styrkja fátæka sjúklinga úr Skipaskagahéraði, eins og það er nú, til sjúkrahússvistar á Akranesi eða annars staðar.

137

5. gr.

Stjórnendur sjóðsins séu: héraðslæknirinn í Skipaskagahéraði, lögskipuð ljós-móðir á Akranesi og sóknarpresturinn á Akranesi.

6. gr.

Sjóðurinn má gefa út minningarspjöld, og skal taka við hvers konar gjöfum og áheitum, sem til falla.

7. gr.

Þegar höfuðstóll sjóðsins er orðinn að upphæð kr. 2500.00 — tvö þúsund og fimm hundruð krónur — skal verja $\frac{3}{4}$ af ársvöxtum hans til þess að styrkja fátæka sjúklinga í sjúkrahúsum samkvæmt því, er segir í 4. gr. $\frac{1}{4}$ hluti ársvaxtanna leggist ávallt við höfuðstól, sem aldrei má skerða. Þau ár, sem enginn styrkþurfi er, er stjórn sjóðsins heimilt að úthluta $\frac{3}{4}$ ársvaxtanna til jólaglaðnings sjúklingum á sjúkrahúsinu á Akranesi eða annara fátækra í héraðinu.

8. gr.

Stjórn sjóðsins ber að halda gerðabók fyrir sjóðinn og færa inn í hana skipulagsskrá þessa, fundarsamþykktir, umsóknir um styrk úr sjóðnum, styrkveitingar og annað, er varðar hag og rekstur sjóðsins. Sjóðstjórninni ber enn fremur að færa bók yfir eignir sjóðsins, tekjur hans og gjöld og færa í hana ársreikninga sjóðsins.

9. gr.

Reikningsár sjóðsins er almanaksárið og skal stjórnin birta ársreikning hans í Lögbirtingablaðinu. Hreppsnefnd Ytri-Akraneshrepps kys endurskoðendur.

10. gr.

Leita skal konunglegrar staðfestingar á skipulagsskrá þessari.

11. gr.

Skipulagsskrá þessi skal birt í B-deild Stjórnartíðindanna.

Ingibjörg Í. Finsen. Ólafur Finsen.

REGLUGERÐ

um notkun bátabryggjunnar í Ólafsfirði.

138

25. júlí

1. gr.

Hreppsnefnd Ólafsfjarðarhrepps hefir alla yfirumsjón með bryggjunni og eignum hennar. Ræður hún sérstakan bryggjuvörð, og semur um borgun fyrir starf hans. Skal það ætíð vera útgerðarmaður í Ólafsfjarðarkauptúni.

2. gr.

Bryggjuvörður skal hafa umsjón með bryggjunni, og sjá um að hún, ásamt vatnsleiðslu og raflýsingu, sé ávallt í svo nothæfu ástandi, sem mögulegt er, á meðan á vertíð stendur, og skal hann í öllu fara eftir fyrirmælum reglugerðar þessarar. Eru allir, sem bryggjuna nota, skyldir til að hlýða fyrirmælum hans, um notkun hennar.